

慶陽府志

卷十一——二十

古蹟

兵防

風俗

郵傳

物産

学校

田賦

壇壝

經費

廨署

新修慶陽府志卷之十一

古蹟

代因時革物隨世移憑吊者每不能無今昔之感慶郡遺寥<sup>蹟</sup>寥間有存者亦付之荒烟蔓草而矣再曆年必有叩之而茫然莫識者然著其地書其名不猶愈於盡歸漸滅乎爰即舊志所載而脩列之以資懷古者之一噓志古蹟。

慶陽府 安化縣附

不窰城 括地志在宏化縣南三里元和志在州治東南三里即今府治夏政衰不窰失官自竄於斯所居成聚故建城而居焉

慶州城 在府城北門外周圍八里東北高十餘丈西南高六丈

慶陽府志

卷之第十一

古蹟

一

業樂城 在府城東北八十里周圍二里二十步去慶州七十里槐安鎮

七十里柔遠砦五十里范仲淹因番部內附築此以納之

田家城 在慶州城北門外周圍四里高二丈餘

駱駝城 在府城東北一百里周圍二里高二丈

郁郅城 在府境白馬嶺兩水夾流漢為縣屬北地郡杜氏通

典郡城今名尉李城

靈武城

在府城北一百二十里白馬嶺之北漢地理志為靈武縣亦屬

北地郡

第二將城 在府城東北一百二十里周圍七里高一丈五尺宋時築

相傳為第二將駐師處

鎮安城 在府城東延安之西宋時築西接九陽堡南接定安寨  
北接蒼鷄諸砦

大順城 在府西北當復橋川口宋慶曆初元昊內侵范仲淹  
知寧州慶州馬舖砦當橋川口在賊腹中欲城之度賊必爭  
乃密遣子純祐與番將趙明先據其地引兵隨之諸將莫  
知所向行至柔遠版築皆具旬日城成賜名大順賊覺以三  
萬騎來戰祥北仲淹令勿追而果有伏兵大順既城與白  
豹金湯截然屹立環慶自此寇盜不敢近張載有記。

延慶縣廢 在府城東北三十里寰宇記延慶縣本漢郁郅縣之柳  
谷城後魏置未幾省入安化唐復置未知所據。

慶陽府志

卷之第十一

古蹟

二

合水故城 今縣治本漢郁郅城後漢迄晉不立州縣後魏及周以  
鎮防隋開皇十六年置合水縣在馬嶺白馬二水口因以為名唐  
武德二年改為合川後改為安化縣宋因之元併縣入府明初復  
置。

彭原縣廢 在府西南八十里後魏破赫連定於此置彭陽縣隋改  
彭原置唐初彭州元省。

懷安縣廢 在府城東一百六十里居近黨項蕃落唐開元中括  
逃戶所置宋廢為鎮又舊唐志有芳池州都督府寄慶州懷  
安縣界管小州十曰靜獫玉濮林尹位長寶寧並黨項野利  
氏種落至德後廢。

同川廢縣

在府城西八十里隋義寧二年分彭原縣西南三泉置三

泉縣唐武德元改年為同川宋乾德二年併入安化縣今為同

川里。

洛原廢縣

在府城東北一百七十里本漢歸德縣地隋大業初改

洛源因洛水所出也後廢唐復置宋廢為堡。

歸德廢縣

在府城東北漢志北地郡領歸德縣後廢西魏置恒

周廢州唐復廢縣

富平故城

在府城西南漢為北地郡治魏收志西北地郡領富平

後廢寰宇記富平故城在樂蟠縣西八十里彭原縣界。

參巒廢縣

在府城西北漢置安定郡有參巒縣主騎都尉

慶陽府志

卷之第十一 古蹟

三

治後漢屬北地郡至晉廢。

安化廢州

在慶陽府境舊唐志安化州都督府管小州七曰永利

州威州旭州莫州西滄州儒州琮州。

安定州督都府

在府境內管小州七曰党橋烏西戎野利米

還等新唐志安定後更名宜定。

靜邊州都督府

在府境內貞觀中置後橋治慶州境以上

皆天寶後廢。

定邊故城

在府北三百里宋元符初築後改為軍又置定邊

縣為附郭金為定邊寨屬環州皇統六年以地賜夏人

明有巡檢司守禦。

周盤城 舊志在府城南一百二十里，即後魏趙興郡東盤縣，後周改周盤，尋廢。

白豹城 在府東七十里，宋初屬西夏，范仲淹建築，東接安疆寨，西接東谷寨，南接柔遠寨，北接勝羌堡，後屬定邊軍。金志慶陽府有白豹城，元廢。

車箱峽路 在府城北，自槐安西北入通幕川，經靜邊鎮香栢砦，取車箱峽路過慶州舊戎地，北入鹽州約五百里，此路山原川谷中行，不甚艱險。宋初五路出師，丁罕從此追軍，至鹽州其時靜邊、白豹、金湯、復橋等鎮並為夏境所置，堡砦乃范文正

慶陽府志

卷之第十一

古蹟

四

公經畧時修築以備也。

公劉莊 在府城北三十里，有腴田數畝，號天子掌，人莫敢墾。  
牛圈 在府城百里，四圍沙磧，惟圈所瀦水，人馬足飲。章棗嘗置毒葯於此，夏人入寇，飲者多死，又見山川。

晝閒堂 在城南，唐祖為宏化，留守時建有太宗御書石刻。  
范仲淹宅 在府治東，仲淹為環慶路安撫使，舊居，今為慶儲庫。  
鷺池 在府南二百三十八步，宋經略安撫使施昌言重修，明指揮孟侃宣武復浚通判吳士英有銘。

永春樓 即府城南門，順治十五年守道張元璘知府楊藻鳳同知張羽明推官王馨毅知縣社霽遠改剏，額曰天險，重設有碑。

記。

安遠樓

即府城東門與永春樓同建。

安化樓

在府治內宋知州章淦建廢

慶陽樓

在府城內宋宣和中建廢

鼓樓

即府治大門改為門三楹

鐘樓

在府治北

鎮朔樓

即府城北門宋時建明宏治間總督張泰重修給事中

王重有天開 勝險設金湯大匾禮部郎中都穆重修有碑記

明季守道鞠思讓修兵火之後順治十六年與永春樓同修乾隆

二十五年知府趙本植重修。

慶陽府志

卷之第十一

古蹟

五

臨川閣

在府城內鷺池上宋時建廢歷代多有題詠石刻尚存。

錫慶堂

在府城內宋太守蔡挺建蓋取名州義今廢。

視事堂

在府城內宋范純仁帥慶陽時建

江漢堂

在府廡內本安撫使宅范仲淹建其子純粹後知慶州

於廡內立是堂晁補之為記今廢。

景范堂

即府治後堂洪武間通判吳士英建嘉靖十七年知府袁

淮重修曰二范遺愛堂順治十年知府陳 一改曰猶興。

平允堂

在府治理刑廳內共三間推官劉翔建。

詠蹄亭

在府儒學明倫堂東通判吳士英建有記今俱廢。

迎送亭

在府城南五里冠蓋往來之地亭下官柳夾道明成化

間知縣陳琦建。

柔遠亭 在府城西宋建於柔遠砦可以憑望<sup>高</sup>遠今廢

較藝亭 在府廡景范堂西北亭三楹二小軒東西分列東額曰藏

修西額曰寂靜嘉靖二十二年知府汪來建時教射於此

君子軒 在府廡景范堂西嘉靖<sup>間</sup>知府蕭海建。

合水縣

宏州城 在縣南五十里樂蟠廢縣境後周時置長城鎮隋置宏

州唐初廢。

略畔城 在樂蟠廢縣東北四十里漢地理志略畔道屬北地郡後魏

大統間置蔚州於此顏師古曰有畧畔山在慶州界土俗訛

慶陽府志

卷之第十一

古蹟

六

曰洛盤。

華池廢縣 在縣東北一百二十里本漢歸德縣地更始封岑彭

於此後魏置縣後廢唐初復置又於縣置林州宋省為鎮

明設巡檢司。

樂蟠廢縣 在縣西南七十里隋置元和志義寧元年析合水置

樂蟠縣宋金以來廢<sup>為</sup>金櫃鎮。

蟠交故城 今縣治唐置以城臨大小樂蟠二水交口因以為名。

自公堂 在縣廡內元李真建。

宣化堂 在縣治內

正己亭 在縣治內今廢。

檜亭 在縣治內廢。

天子溝 夫人洞在故城相傳黃帝問道於空同子處。

聖人條 自子午嶺起南通潼關北至草地相傳秦始皇築長城開運糧道處。

馳道 在縣東百餘里相傳蒙恬斬山堙谷上通上郡下達咸陽即其地。

二淵 秦時小山川與沂洛鳴澤並祀地理志在華池縣西子午嶺東詳見封禪書。

昭君莊 在鳳川有三石窰石上三字曰昭君莊不可考。

藥王匾 在邵庄驛藥王洞石上有碧落霞天四字相傳唐王

慶陽府志

卷之第十一

古蹟

七

教題<sup>教</sup>又有聖公泉詩。

明王洞 太白扁有明洞十二神像甚古

鳳川寨 宋范仲淹築

平戎寨 唐輿記載屬合水亦范仲淹築

迎秀亭 在縣治內廢

熙熙亭 在縣治內廢

聖泉亭 在縣城南五十步

唐列代碑 在縣東一百里金明昌中薛王十三世孫李大中刻

唐高祖至昭宣二十一像。

郭子儀碑 在東南一百二十里子儀十一世孫訥刻其墓志並

鐵卷於墓上

環縣

舊環州城 在縣北一里後周置會州隋改環州唐咸寧中置安樂州  
大中間改威州明始為環縣以環江流經城西委曲環抱故名  
長城 在縣西北二里秦將蒙恬築見蘇軾指掌春秋列

國圖

烏崙城 在縣北三十里周一里三十步宋范仲淹經畧時置砦屬  
通遠縣屯兵控烏崙川咸平中重修今東西圯於河。

合道城 在縣西南七十里其水自固原州來入環江以二水合流故名。  
肅遠城 在縣北四十里宋史咸平六年賜環州大落潮州新砦  
曰肅遠其城亦范仲淹所築

慶陽府志

卷之第十一

古蹟

八

興平城 在縣西北八十里地名灰家咀宋元符元年築金為興  
平堡元廢

安邊城 在縣西北一百二十里地名徐家臺宋崇寧五年築賜  
名金改為砦元廢明置安邊所。

洪德城 在縣北六十里宋置砦熙寧中章棣遣折可適破  
夏人於洪德城即此今設官兵駐防

木波城 在縣南四十五里唐為木波堡寧州刺史楊朝晟請城  
方渠合道木波三城以遏吐蕃歸路即此五代為木波鎮周割  
隸通遠軍周三里八十步宋范仲淹經畧時築咸平中重  
修元廢明成化間巡撫馬文昇復築今訛作木鉢。

曲子城 在縣南九十里、明永樂初征西將軍何福築周三里三分順治十六年知縣金先聲建、察院行臺、今建常平社倉二十間

靈祐城 在縣南一百五十里、亦何福築、順治十六年知府楊藻鳳重建、察院行臺、雍正八年改入安化縣。

細腰城 在縣西、其北有二川、交通西界、宋范仲淹命知州种世衡築城、成改隸原州。

通遠廢縣 在縣治中、五代廢、方渠置此為環州治。

馬嶺廢縣 在縣南一百三十里、漢北地郡治、馬嶺縣、後漢徙北地郡、治富平、而馬嶺縣廢、後魏朔州地、隋大業元年

慶陽府志

卷之第十一

古蹟

九

分合水縣於此、置馬嶺縣、五代時廢、宋范文正公重築為鎮、周三百七十五步、金因之、元廢、明成化間巡撫馬文昇復為修築。

方渠廢縣 在縣南七十里、屬漢北地郡、貞觀十三年命楊朝晟城之、五代初廢為鎮、宋曰砦、屬環州。

安寨廢縣 在縣東四十里、漢置縣、後廢為鎮、唐復置、五代晉省入通遠縣、宋改為砦。

清平關 在縣西北六十五里、地名之字平、宋元符二年、築明嘉靖間移駐遊擊於此。

蕭關 在縣北三十里、史記索隱註曰東函谷、南嶢武西

散關北蕭關在四關之中。

靈武臺 在縣東北三里舊屬靈武郡寰宇記慶州靈武

城在馬嶺北即此相傳唐肅宗即位處旁有拜將臺下有  
養池魚形跡宛然。

覽勝樓 在縣西環江之湄高峻爽嶠今不可考。

觀兵亭 在縣東六里宋种世衡教場今廢。

通遠亭 在縣東七里宋建為宦遊迎送之地今廢。

紅城兒 在縣北九十里明成化間重修今無考。

### 寧州

定平廢縣在州南六十里唐置屬寧州元和志縣北至州七十

### 慶陽府志

#### 卷之第十一 古蹟

十

里自漢至晉並泥陽縣地後魏至周並為定安縣地唐武德  
二年析置定平縣新唐志定平縣嘗屬邠州周顯德五年  
還屬寧州宋又隸邠州元志至元七年併入寧州明設政  
平驛今仍之。

慶樂廢縣 在州東北六十里本漢襄樂縣屬上郡在今延安

府界後魏徙置於此改為襄樂大統十六年置燕州

因築此城後周廢唐屬寧州金志仍屬寧州元志至元

七年併入寧州設巡檢司州志舊縣在州東北燕原下今為

### 襄樂鎮

定安廢縣 今州治後魏置縣取定俗安人為義唐置寧

州治定安縣五代及宋皆因之元省入州

安平廢縣 唐置屬州後廢

泥陽故城 在州東南五十里地里志縣屬北地郡應劭曰縣在

泥水之陽後漢末寄治馮翊此城遂廢州志有泥陽里即此

義渠故城 在州西北五十里春秋時為義渠國秦滅之始置北

地上郡漢置義渠道屬北地郡西魏始置寧州。

大夏故城 在州東南漢志屬北地郡顏師古曰夏古要字金

志正寧縣有要閔鎮或以為即古大夏舊志鎮屬寧州久廢

獨樂故城 在州東南漢置縣屬上郡在今延安府界後魏移

置於此屬趙興郡後漢晉罷後復尋廢。

慶陽府志

卷之第十一

古蹟

十一

安定故城 本名定安金大定七年更名旁有洛九陵水城在

州南六十里政平里。

李思齊城 在州南一里元將李思齊屯兵處

州都督府 在州界僑治領九州皆党項野利氏部落。

豳 寧 在安定廢縣西

公劉邑 在州西一里周之先公劉居此謂之北豳春秋為義渠

國元和志夏時公劉邑也秦為北地郡。

石鼓坪 在州東六十里襄樂縣有石如鼓擊之有聲

燕 原 在州東北六十里燕太子為質於此

黃龍亭 舊名高岡亭後漢建武中曹鳳為北地太守政

化尤異黃龍應於九里谷之高岡亭角長三尺大十圍稍至十餘丈天子嘉之賜帛百匹加秩中二千石。

交城鎮 金天德二年置又早社鎮太昌鎮俱金皇統間置安定閣 在州西五十里對安定砦分奇挹秀如畫幃然見方輿勝覽岩色濃如黛石可鑄硯宋張舜民有詩詠之

六君子堂 在州西宋建舊碑毀廢名字無可考明洪武初知州林善以隋元諧梁毗唐李勣狄仁傑宋孔道輔李允則六人皆有德於寧州者乃重建堂祀焉臨海詹鼎作記。

一川風月亭 在州治北宋建蓮池柳港花嶼蘭皋 賞之所蘇長公有松濤賦無考。

慶陽府志

卷之第十一

古蹟

十二

五柞亭 在州治見續漢書泥陽有五柞亭

西雉草堂 在州治明呂中丞經之別墅也廢

夢廩院 在州治呂京兆顥呂祖名廢

以夢

美芹亭 在州南二里明知府呂顥導水甃石作圃於此

九龍池 在州東南十里相傳唐狄仁傑為刺史時人有賣劍牛者議價問賣者忽失所在仁傑怪之次日有九小兒擁水泛漲將沒州公使人馳牛而往斬小兒俱化龍形水消州遂保全因此名池

梁公墮淚碑 狄仁傑為寧州刺史能撫戎夏郡人紀之碑及遷豫州會越王亂緣坐七百餘人籍沒者五千口仁傑密

表奏貸流罪人於九原郡道出寧州父老迎而勞之曰我狄使君活汝耶相携哭於碑下三日而去

### 正寧縣

陽周故城 在縣北三十里、縣志秦末陳餘與章邯書蒙恬為秦將北逐匈奴開榆中地數千里竟斬陽周即此地一名馳武城甘肅通志秦漢陽周本屬上郡自後魏重置始屬趙興郡即今正寧、唐宋諸皆以正寧為即古陽周然以地界考之正寧在子午山西其東北為中部縣乃漢翟道縣屬左馮翊又北為漢直路縣屬北地郡又東北至鄜州始為漢上郡境陽周既屬上郡不應跨兩郡、越重山而在正寧界也據水經注陽周在

### 慶陽府志

卷之第十一 古蹟

十三

走馬水北應在今延安府安定縣北界、正寧之陽周乃後魏僑置非故縣也。

長城 在縣東二十里、秦將蒙恬築按上郡鄜之王川為右長城即今中部縣。

泥陽廢縣 在縣治里數莫考。

秦故道 在縣東九十里、元和志在襄樂縣東八十里、子午山始皇自九原抵雲陽即此道也、縣志在雕嶺上俗名聖人道、秦以天子為聖故名。

羅川故縣 本漢陽周縣地、後魏於此置泥陽、惠沙二護軍後復置陽周縣、隋開皇十八年改為羅川、以羅川水出羅山故名。

唐天寶元年改為正寧、新唐志時獲真人像二十七、因改名寰宇記、唐開元二十三年、唐明皇夢羣仙現於羅底、乃詔訪焉、於彭原羅川縣東王村堡底家庄有一老人引使者至洞口、見一白兔入穴、遂掘得二十七仙並玉石之像、各題姓名、得道去處、並老人亦一仙、以應二十八宿之數、於本縣置觀曰通聖、改縣為正寧。

要 靈湫 在縣東六十里、顯聖廟後、即橋山之尾也。周一百八十步、禽魚不游、萍藻不生、水澄碧綠、不旱不澇、旁有龍祠。

唐開元中建碑刻甚多、今存毀殆半。

下馬汀 在縣北三十里、水濱地曠、行者多憩息焉、故名。

唐臺 在縣治昔、唐肅宗自靈武還、過正寧、同妃良娣禱祀於此。

慶陽府志

卷之第十一

古蹟

十四

